

Ahar seguit per :

Gautier LAGALAYE

Director

gautier.lagalaye@ofici-occitan.eu

Réf : AAC231208XXXX



APERET A CANDIDATURAS

Assistent(a) comunicacion numeric e gestion evenimentiau (cat.B)

➤ Contèxte e presentacion de l'estructura :

L'Ofici public de la lenga occitana qu'ei un gropament d'interès public enter l'Estat, la Region Novèla Aquitània e la Region Occitània-Pirenèus-Mediterranèa.

L'Ofici qu'òbra de 2016 enlà e qu'a l'objectiu de sostiénen la transmission e la socializacion de la lenga occitana entà desvolopar lo nombre de locutors actius. Que pilòta, qu'acompanha o que realiza politics lingüísticas qui an la vocacion de's desvolopar a las diversas pagèras territoriaus de las Collectivitats publicas sòcias o aliadas.

L'Ofici que cambiè de direccion fin de 2023 entà revisar lo son projècte d'establiment e la soa huelha de rota. En aquera perspectiva, l'Ofici qu'a decidit de recompausar largament la soa equipa tà anar de cap a la gessida d'ua « agència de desvolopament de l'occitan », au servici deus sons sòcis e deus sons aliats publics, se s'escad.

Atau reconfigurat l'Ofici qu'agirà a geometria variabla, en pròpi o mercés a convencions d'associacion dab autas Collectivitats publicas, en foncion de la soa capacitat d'expertesa e en mobilizant la deu son hialat interregionau (estructuras interregionaus publicas e parapublicas, cordèras de l'ensenhament, organismes de formacion, universitats, estructures de l'audiovisuau-mèdias-edicion, estructures associativas mei).

L'espaci occitanofòne de las regions Novèla Aquitània e Occitània-Pirenèus-Mediterranèa, sia tot o partida de 22 Departaments, qu'ei lo perimètre d'accion prioritari de l'Ofici.

Associacions mei que poirén d'un aute costat espelir capvath l'ensemble de l'espaci lingüistic occitan.

L'Ofici public de la lenga occitana qu'a la sedença a Tolosa (Occitània-Pirenèus-Mediterranèa) e tanben antenas a Bordèu e a Pau (Novèla Aquitània).

➤ L'equipa :


Que's constituirà ua equipa-cibla de 10 agents tà 2024.

Que's cèrca perhius e mestiers :

- D'ua part, en coheréncia dab los camps d'intervencion de l'Ofici : comunicacion, transmission, socializacion, animacion e desvolopament territorial ;

- D'alta part, en complementarietat dab los mestièrs existents en las autas estructuras publicas o parapublicas partenàrias qui intervien en au nivèu interregionau.

Aquí l'organigrama-cibla validat peu Conselh d'administracion deu 27 de noveme de 2023 :



Organigrama-que cibla 2024//CA deu 27/11/2023

Que's poirà ajustar l'organigrama en foncion deus perhius retienguts pendent la campanha de recrutaments.

Objectius deu pòst :

- Gerir la comunicacion numerica deu Gropament (hialats socials e site internet sustot) mirant la valorizacion de la lenga occitana de cap au divèrs publics- cibla ;
- Valorizar las activitats deu Gropament e deus aliats ;
- Contribuir a la gestion de las dinamicas evenemenciaus dens las quaus lo Gropament e s'engatja.

Quadre d'emplec :

Agent(a) de categoria B (quadre d'emplecs deus Redactors o Tecnicians) titular(a) de la foncion publica territoriau o de la foncion publica d'Estat, mes/ mesa a disposicion o destacat/destacada sus contracte, o manca de contractuau, confòrmament a las disposicions relatives a la mesa a disposicion previstas per l'estatut generau de la foncion publica. Que son regits los personaus deu gropament peu decret n°2013-292 deu 5 d'abriu de 2013 relatiu au regime de dret public aplicader aus personaus deus gropaments d'interès public.

Missions :

Dens l'equipa-projècte « comunicacion e événementiel », l'agent(a) :

- Qu'anima e qu'alimenta las atrunas de comunicacion numerica ;
- que concep o que realiza produits grafics de comunicacion ;
- que produseish contienuts redaccionaus, iconografics quitament audiovisuaus ;

- que contribueish a la participacion deu Gropament a diversas dinamicas evenemenciaus ;
- Realiza supòrts de comunicacion adaptats a la carta grafica.

A notar : las accions de comunicacion de l'Ofici que poirén utilizar las lengas francesa, occitana e, se s'escad, anglesa internacionau. Tà çò de la lenga occitana, que serà portada ua atencion particulara tà l'utilizacion de las soas variants en foncion deus publics o deus territòris mirats per las accions de comunicacion.

Relacions ierarquicas e foncionaus :

Qu'ei plaçat/plaçada l'agent(a) devath l'autoritat deu Director e qu'aurà relacions foncionaus dab las Collectivitats publicas membres o partenaris, atau com dab autes aliats exteriors.

Dens lo gropament, l'agent(a) qu'ei membre de l'equipa-projècte « comunicacion - événementiel » e qu'intervien en matèria de comunicacion entau compte de las autas equipas-projècte « ressorsas », « ensenhament-formacion » e « desvolopament territorial ».

Perfiu e competéncias :

De formacion universitària superiora en engenhèria e tecnicas de comunicacion (Bac + 3 minimum). Debutants acceptats. Qu'avetz ua implicacion (o d'ua apeténcia entà) en las politicas lingüisticas e los hialats institucionaus e associatius relatius a la lenga e a las culturas occitanas. Qu'avetz coneishenças relatives au foncionament de las Collectivitats publicas e de las lors prerogativas en matèria d'accion lingüistica. Qu'avetz competéncias tecnicas confirmadas en comunicacion numerica. Qu'avetz enfin competéncias en lenga occitana o, manca de, que vs'engatjatz a las aquesir.

Procedura de recrutament :

Los candidats e las candidatas qu'an de har arribar ua letra de motivacion en francés o bilingüe francés-occitan, acompanhada d'un CV, entau **divés 02/02/2024**, per corric a l'adreça seguenta : contact@ofici-occitan.eu.

A la barradura de l'aperet a candidatura, deus candidats e candidatas que seràn seleccionats e recebuts entà un entertien dab lo Director de l'Ofici public de la lenga occitana a Tolosa e en preséncia de la Gestionària RH.

Data previsionau deus entertiens : lo 20 de heurèr de 2024.